



O'ZBEKISTON OVOZI

Shu aziz VATAN — barchamizniki!

2015-yil, 20-yanvar. Seshanba 9 (31.912)

Ijtimoiy-siyosiy gazeta

1918-yil 21-iyundan chiqa boshlagan

www.uzbekistonovozi.uz

ЎзХДП «ИСТИҚБОЛ» ЁШЛАР ҚАНОТИ

Ўзбекистон Халқ демократик партияси Марказий Кенгашининг II пленумида партиямиз муҳим сиёсий тадбир — Ўзбекистон Республикаси Президенти сайловида муносиб иштирок этиши зарурлигига эътибор қаратилди. Бу «Истиқбол» ёшлар қаноти аъзолари етакчилари, зиммасига ҳам катта масъулият юклайди.



Санжар ШОҲУДАГАНОВ олган сурат.

АЙТИЛГАН ГАП, БЕРИЛГАН ТАКЛИФЛАР

ўз ҳолича қолиб кетмасин

«Истиқбол» ёшлар қаноти Тошкент вилоят бўлими ташаббуси билан ўтказилган «Истиқбол» ёшлар қаноти етакчиларининг салоҳияти-

ни ошириш — устувор вазифа» мавзусидаги семинар-тренингда шу ҳақда фикр алмашилди. Унда ЎзХДП Марказий Кенгаши

ходимлари, Олий Мажлис Қонунчилик палатаси депутатлари, ёшлар қаноти аъзолари қатнашди. Тадбирда «Истиқбол» ёшлар қаноти олди-

да турган долзарб вазифалар муҳокама этилди.

► Давоми 2-бетда.

29 МАРТ — ЎЗБЕКИСТОН РЕСПУБЛИКАСИ ПРЕЗИДЕНТИ САЙЛОВИ КУНИ

Сиёсий партияларга президент сайловида иштирок этишга ижозат берилди

Ўзбекистон Республикаси Марказий сайлов комиссияси сиёсий партияларнинг Ўзбекистон Республикаси Президенти сайловида иштирок этишига ижозат бериш тўғрисида қарор қабул қилди.

Тадбиркорлар ва ишбилармонлар ҳаракати — Ўзбекистон Либерал-демократик партияси, Ўзбекистон Халқ демократик партияси, Ўзбекистон «Миллий тикланиш» демократик партияси, Ўзбекистон «Адолат» социал-демократик партияси вакиллари Ўзбекистон Республикаси Президенти сайловида иштирок этиш учун зарур ҳужжатлар тўпламини Марказий сайлов комиссиясига тақдим этди. Ушбу ҳужжатлар тўплами сайловда иштирок этиш тўғрисида партия раҳбари томонидан имзоланган ариза, Адлия вазирлигининг сиёсий партия рўйхатга олинганлиги кўрсатилган маълумотномаси ва Ўзбекистон Республикаси Президентлигига бўлажак номзод тўғрисидаги маълумотлардан иборат.

Тақдим этилган ҳужжатлар асосида тўртта сиёсий партиянинг ваколатли вакиллари рўйхатга олинганлиги гувоҳномалари ва белгиланган намунадаги имзо варақаларининг бланкалари берилди. «Ўзбекистон Республикаси Президенти сайлови тўғрисида»ги қонуннинг 24-моддасига мувофиқ, Ўзбекистон Республикаси Президентлигига номзод кўрсатиш ҳуқуқига сиёсий партиялар эгадирлар. Бунда сиёсий партия сайлов кампанияси бошланганлиги эълон қилинган кундан камида олти ой олдин Ўзбекистон Республикаси Адлия вазирлиги томонидан рўйхатга олинган тақдирдагина Ўзбекистон Республикаси Президентлигига номзод кўрсатиши мумкин.

Сардор **ТОЖИЕВ**, ЎзА мухбири.

МАРКАЗИЙ САЙЛОВ КОМИССИЯСИДА

Ўзбекистон Республикаси Марказий сайлов комиссиясининг навбатдаги мажлиси бўлиб ўтди. Унда Ўзбекистон Республикаси Олий Мажлиси Сенатининг биринчи мажлисини чақириш тўғрисидаги масала кўриб чиқилди.

Ўзбекистон Республикаси Конституциясининг 81-моддаси, «Ўзбекистон Республикаси Олий Мажлисининг Сенати тўғрисида»ги Конституциявий қонун ва «Ўзбекистон Республикаси Марка-

зий сайлов комиссияси тўғрисида»ги қонуннинг 5-моддасига мувофиқ, Ўзбекистон Республикаси Олий Мажлиси Сенатининг биринчи мажлиси Марказий сайлов комиссияси томонидан чақирилади. Марказий сайлов комиссияси парламент юқори палатасининг биринчи мажлисини 2015 йил 22 январь куни Тошкент шаҳрида чақириш тўғрисида қарор қабул қилди.

ЎзА

ОЛИЙ МАЖЛИС СЕНАТИ БИРИНЧИ МАЖЛИСИНING ОЧИЛИШИ ТЎҒРИСИДА

Ўзбекистон Республикаси Олий Мажлиси Сенатининг биринчи мажлиси 2015 йил 22 январь куни соат 10:00 да Тошкент шаҳрида Ўзбекистон Республикаси Олий Мажлиси Сенати биносида очилади.

ЎЗБЕКИСТОН РЕСПУБЛИКАСИ ОЛИЙ МАЖЛИСИ СЕНАТИ АЪЗОЛАРИ ДИҚҚАТИГА!

Ўзбекистон Республикаси Олий Мажлиси Сенати ййгилишига келган Сенат аъзолари 2015 йил 21 январь куни соат 9:00 дан 18:00 гача Ўзбекистон Республикаси Олий Мажлиси Сенати биносида рўйхатга олинади.

Ўзбекистон Республикаси Марказий сайлов комиссияси.



АКС-САДО

Қатнашчи тадбирда нафақат тинглаши, шу билан бирга, ўз фикри, муносабатини билдириши керак

■ Газетамизнинг шу йил 10 январь сонида «Таҳлил, тақлиф, мулоҳаза» руқни остида «Номга ўтказилган тадбир ҳеч кимга фойда бермайди» сарлавҳали мақола чоп этилган, унда партиямиз ташкилотлари тизимида ўтказилаётган тадбирлар таъсирчанлигини ошириш билан боғлиқ мулоҳазалар билдирилган эди. Мазкур мавзу бўйича таҳририятимизга ёшлар, фаол газетхонлар фикр-мулоҳазаларини йўллашмоқда, кўнгироқ қилиб ўз муносабатларини билдиришмоқда.



Тасаввур қилайлик, сиз сиёсий тадбирларнинг бирдасиз. Зал иштирокчилар билан тўла. Ййгилиш бошланди. Маърузачи минбарга чиқиб, кўлидаги қоғозга қараб маъруза ўқий бошлади. Сиз ва атрофдагилар уни биров эшитди. Аммо маълум вақтдан сўнг зерика бошлайсиз, ўзингиз учун фойдали ҳеч қандай фикр ёки гап эшитмайсиз... Шу тарих тадбир ўз аҳамиятини йўқотади...

«Ўзбекистон овози» газетасида чоп этилган мақолани ўқиб, курсдошим Юлдуз Хайдарова билан шу бўйича суҳбатлашиб қолдим.

► Давоми 2-бетда.

МУНОСАБАТ

Одамларни иш билан таъминлаш

ИЖТИМОЙ-ИҚТИСОДИЙ БАРҚАРОРЛИКНИНГ МУҲИМ КАФОЛАТИ

■ Ўзбекистон Республикаси Президенти Ислоом Каримовнинг мамлакатимизни 2014 йилда ижтимоий-иқтисодий ривожлантириш яқунлари ва 2015 йилга мўлжалланган иқтисодий дастурнинг энг муҳим устувор йўналишларига бағишланган маърузаси кенг жамоатчилик ўртасида қизиқиш билан ўрганилмоқда.

ЎзХДП фаоллари, депутатларимиз ҳам маърузада келтирилган маълумотлар, билдирилган фикрлардан тегишли хулосалар чиқариб олишмоқда.

Бу йилги ҳукумат ййгилишида ҳам ҳаётимизнинг жорий йилдаги устувор ва долзарб вазифалари белгиланди. Аҳоли бандлигини таъминлаш, аввало, касб-хунар коллежлари ва олий ўқув юртлири битирувчиларини ишга жойлаштириш ижтимоий сиёсатимизнинг энг муҳим йўналиши бўлиб қолиши алоҳида таъкидланди.

Дарҳақиқат, киши яхши яшаши, муносиб турмуш шaroитига эга бўлиши, орзу-хавас билан баланд марралар сари интилиши учун, аввало, у ўз ишига, даромад манбаига эга бўлиши керак. Шунинг учун одамларимизнинг турмуш даражасини ошириш, фаровонлигини юксалтиришнинг муҳим омилларидан бири аҳоли бандлигини таъминлаш ҳисобланади.

Гап шу ҳақда кетганда, бир масалага тўхталиш жоиз. Кейинги йилларда мамлакатимизда Иш ўринлари ташкил этиш ва аҳоли бандлигини таъминлаш дастури қабул қилиниб, муваффақиятли ижро этиб келинмоқда. Мазкур Дастур доирасида яратилаётган иш ўринларининг ярмидан кўпи айнан таълим муассасаларини битираётган ёшлар бандлигини таъминлашга қаратилганлиги билан аҳамиятлидир. Хусусан, ўтган йилда ҳам мамлакатимиз таълим муассасаларининг 600 мингдан зиёд битирувчиси иш билан таъминланди. Жаҳонда рўй бераётган молиявий-иқтисодий инқироз кўплай мамлакатларда ишсизлик даражаси кескин ошиб кетишига ва жиддий ижтимоий-иқтисодий муаммолар келиб чиқишига сабаб бўлаётган бугунги шароитда бундай ижобий натижага эришиш қувонарлиқ, албатта.

Айтиш жоизки, эришилаётган бу каби салмоқли ютуқлар узокни кўзлаб амалга оширилаётган оқилона сиёсат натижасидир. Мамлакатимизда ҳар йили Иш ўринлари ташкил этиш ва аҳоли бандлигини таъминлаш дастури қабул қилиниб, парламент томонидан тасдиқланиши, ўз бизнесини йўлга қўйишга қарор қилган коллеж битирув-

чиларини қўллаб-қувватлаш мақсадида ажратилаётган микрокредитлар миқдори йилдан-йилга ошиб бораётгани ёшларни иш билан таъминлашда, улар ҳаётда ўз ўринларини топишида катта аҳамиятга эга бўлмоқда. Ўтган йилнинг ўзида коллеж битирувчиларига қарийб 200 миллиард сўмлик ана шундай микрокредитлар ажратилгани ёшларимизга бўлган эътиборнинг амалдаги намунаси, десак, мулоҳаза бўлмайди.

Партиямиз жорий йилда аҳоли бандлигини таъминлаш борасида белгиланган вазифа ва йўналишларни тўлиқ қўллаб-қувватлайди. Шу билан бирга, сиёсий партияларга, парламент ва депутатларга берилган қонуний ҳуқуқ ва имкониятлардан фойдаланган ҳолда, бу жараёнда фаол иштирок этишимиз, камчиликларни тезда ҳал этиш бўйича тақлифлар беришимиз талаб этилади.

Масалан, касб-хунар коллежлари битирувчиларини ишга қабул қилиш бўйича назорат-таҳлил ишларини кучайтириш, шунингдек, вилоят, туман ва шаҳар марказларида аҳоли бандлигини таъминлаш учун бўш иш ўринлари ярмаркаларини ўтказишга фаол кўмаклашишимиз керак.

Шунингдек, ЎзХДП фракцияси фаолиятида муҳим йўналиш бўлиб келаётган Иш ўринлари ташкил этиш ва аҳоли бандлигини таъминлаш дастури ижроси бўйича парламент эшитиши ўтказиш амалиятини бу йил янада самарали йўлга қўйишимиз лозим. Бу бевосита бандлик дастурини янада такомиллаштириш, ҳудудларнинг иш ўринларига бўлган талаб ва эҳтиёжини чуқур ўрганиш, жойларда аҳоли бандлигини таъминлашда юзага келаётган хато ва камчиликларни бартараф этишга хизмат қилади. Шу орқали партиямиз сайлов олди-дан илгари сурган бандлик билан боғлиқ мақсадларга эришамиз.

Саттор **РАҲМАТОВ**, Олий Мажлис Қонунчилик палатаси депутати, ЎзХДП фракцияси аъзоси.

«Ўзбекистон овози» газетаси сайтида ва навбатдаги сонларида:

Мамлакат ҳаётидаги муҳим сиёсий жараёнда ЎзХДП муносиб иштирок этади

■ ХАЛҚ ДЕПУТАТЛАРИ ТУМАН, ШАҲАР КЕНГАШЛАРИГА САЙЛОВДА ЎзХДП ҚАНЧА ДЕПУТАТЛИК ЎРНИНИ ЭГАЛЛАДИ?

